

九世紀末葉。約有三億人。在此一百年中。世界各國之人口。均有增加。而皆不及印度增加之多。此蓋因印度人在英人鐵腕政治之下。謳歌泰平。生命財產得保安寧之結果也。如此之幸福。自開關以後。印度人未曾享受之。在此時代。歐洲亦鮮有獲得如印度所享受之大幸福者。印度因享受如此之泰平。而經濟大為發展。試觀孟買、麻打拉薩、喀爾各答諸港商船進出之數。即可以證之。自是建造全國鐵路。設備世界無比之大溝渠。(排泄污濁水流者)劃一幣制。創設廉價郵政。興教育事業。衛生

事業。整頓備荒儲蓄。此等事實。在歸印度諸王侯支配之時代。為印度人所夢想不到者也。以上之狀態。不獨英人直轄區域為然。即諸侯之地。亦因英人之勸導。而一新其面目。由是印度人又受一絕大無形的利益。即使印度人知對於公益之事業。亦不可不犧牲一身以從事之。英人以印度人之利己心最重。故示之以如此之美風。而改其質性。洵可謂偉大之教訓也。

俄法同盟之進步

譯日本外交時報
有賀長雄原著

許家慶

法國內閣總理訪問俄國

俄法新海軍協約之締結

22279
法國內閣總理「樸蔭開雷」氏。於八月初五日。乘坐軍艦「鞏堤」赴俄國。其不由陸路而取海道。意在免經德國境地。用以見好俄國。固不待言。而狡滑之德皇。故意竊命一艦隊。託詞操演。游弋北海。如遇「鞏堤」。即對之行敬禮。海軍對於國務大臣之禮。向為十九發。於是德國艦隊。遭遇法艦「鞏堤」。即如數放禮砲。「鞏堤」當即答禮。「鞏堤」之出國門。原擬最先受俄國艦隊之敬禮。今竟先受德國艦隊之敬禮。誠非意料所及。八月初九日下午二時四十五分。「鞏堤」入內法河 Neva 口之「喀琅斯塔得」軍港。Constadt 投錨於法艦「奧烏維拉」之側。放禮砲二十

一發。敬禮俄國之主權者。俄國海軍大臣「古璽哥羅維吉」。駐俄法國大使「魯意」。訪「樸蔭開雷」氏於「鞏堤」。「古璽哥羅維吉」在俄艦開晚餐會。招待法國首相。翌朝。以俄國快遊艇名「內法者」。載「樸蔭開雷」等。發「喀琅斯塔得」。溯河而上。初十午前十時。抵聖彼得堡。俄國首相「柯柯祝甫」。外務大臣「薩紹諾甫」。親至船埠迎迓。自此日始。日夜歡待備至。初十日。法國使館開午餐會。午後。樸氏接見留俄法人。十一日。樸氏覲見俄皇「尼哥拉斯」於「新彼得和富」宮。俄皇贈樸氏以「亞力山大納烏斯綬」之勳章。尋賜午餐。午後巡覽市中。俄國宮內

22280

大臣。在「宰爾斯可謁色羅」開晚餐會。招待樸氏。散會後。赴宮中觀劇會。十二日。在「克拉斯諾西羅」閱兵。法國使館開午餐會。午後。訪問各處交游。晚間。「柯柯祝甫」首相官邸開正式晚餐會。招待樸氏。十三日。「波羅那」大公夫人。為樸氏

開午餐會。晚間於法國使館開晚餐會後。樸氏即啓程。往莫斯科。遊覽一日。十五日歸「鞏堤」。午後解纜歸國。

十二日午後。「樸蔭開雷」氏訪俄國外務大臣「薩紹諾甫」於俄國外務部。密談一點十五分鐘。其內容嚴守秘密。不若德國宰相「荷爾惠克」訪問俄國時之宣布概要。樸氏又訪俄國首相「柯柯祝甫」於內法河中流小島綠林深處之別墅中。密談三十分鐘。其內容亦全守秘密。每次宴會席上。亦未曾照通常交際常例。致交換乾杯之演詞。俄法當局所密商者。雖祕而不宣。而法國首相此行。非等於尋



常之訪問。必於俄法兩國同盟關係上。有重要之商榷。固不可掩也。且其實際上之經過。較諸當初所逆料者。更為重大。此實兩國輿論所公認。故局外之人。今正就其目的之所在。為種種之推想。其中不無一二事。可認為確實者。

法國內閣總理 樸蔭開雷氏與俄國外務大臣 薩紹諾甫氏討論歐洲時事 右為薩氏左為樸氏

第一、為人人能一見即了然於心者。七月上旬。俄德兩皇會見於「波羅的港」。既而。德相「荷兒惠克」。在聖彼得堡及莫斯科。受俄國種種款待。法人對之。未免有嫉妬不平之色。是則必須有以慰之也明矣。關於此事。法國某報駐俄訪員「游坦」氏。曾從俄德交界之「亞伊德古南」電告法國曰。『距俄德兩皇會見於波羅的港兩星期之前。俄法之間。嘗立誓以三閱月為期限。俄國決不先謀於法國。而逕與德國為政治上之結約。』聞此次法國首相遊俄。「游坦」氏謁之於「鞏堤」艦。首相捉其臂而戲曰。『君害人不淺哉。余為君之報告。徹宵不得睡眠。君謂該誓約僅三閱月之効力。』

故余此次之訪問。實欲更延長其期限也。』

第二、俄國政府之優待「樸蔭開雷」。亟以博法人歡心爲要務者。其原因關於駐俄法使「魯意」之進退。蓋意大利之駐法大使「鐵得尼」。因意土戰局延長。將無了期。欲令俄國壓迫土耳其。使土耳其不得不就範圍。而與意議和。乃先商諸俄國駐法大使「義思華爾斯基」。義氏贊成之。又託義氏說於俄國外務大臣「薩紹諾甫」。薩氏亦同意。於是不能再求法國駐俄大使「魯意」及法國駐意大使「白禮連」之贊成。蓋俄國苟未經其同盟之法蘭西承諾。一步亦不能行動故也。但「魯意」爲人。向以精勵聞。其處置外交。常不肯通融辦理。「魯意」從本國之利害計較之。不願贊成「鐵得尼」之策。故俄外務大臣薩氏與議及此。概被拒絕。薩氏以爲憾事。竊命俄



本年八月十二日法國國內閣總理閣開雷在俄國克拉克斯羅西羅閣兵情形

國駐法大使「義思華爾斯基」謂法國政府曰。「魯意」大使駐在俄國。將不利於俄法同盟。法國政府乃命「魯意」託詞聖彼得堡之氣候。不適於健康。自請另行簡任。法國政府期以明年允其所請。此事在歐洲外交界。殆已無人不知。法人對於俄國。因此稍有惡感。俄國此次優待「樸蔭開雷」之原因之一。即欲挽回此感情也。然此等瑣事。尚無須如此之大舉動。其真正之動機。實另有所在。以上二端。無非附隨之要務。所謂真正之動機者。即新近俄法兩國海軍。關於達到同盟目的之條件。協同立一新協約。是實最近外交史上可特筆大書特書之一大事件也。難者或謂。俄法同盟。成立以來。垂二十年。若謂至今日而始締結海軍協約。毋乃太迂遠乎。雖然。當初俄法同盟之成立。其重要之目的。本在對抗德奧意

三國同盟。該三國同盟。即以陸軍國之德意志為中心。試一考俄法同盟自成立至今之沿革。即可恍然於此舉為非出於不可思議矣。夫俄法同盟。固政治上之盟約也。然其成立為政治上之盟約。實在一八九七年八月。法國總統「薩立克士福爾」。率外交總長「亞訥多」。訪問「喀琅斯塔得」之時。先是。一八九二年六月。俄法兩國。締結陸軍協約。由法國「孚連西奈」內閣特派之「鮑得愛弗爾」將軍。與俄國「奧連爾祝孚」將軍簽押。推原陸軍協約之所以成。則以俄法同盟之目的。本欲於陸上。從南北兩面壓迫德國。又因俄國為改良陸軍。欲製造自動連發快槍。而其製法。必須從法國傳習而得。然當時德國之海軍。尚不足慮。故俄法二國。於海軍聯合動作。並無何種協約。至於近年。三國同盟與三國協商之勝負。全視海軍之強弱。而德國海軍。動輒破英國海軍之二國主義。使將來英國海軍絕對之優勢。終將成為夢想。英既為三國協商之一。則為其良友之俄法。於此際新訂海軍協約。以策應英國。固不足怪也。

當「樸蔭開雷」抵華彼得堡十日之前。即八月初一日。歐洲遍傳如左之通信。

八月初一日。法國「湯」報載曰。俄法兩國政府。將於最近數星期中。互開談判。其目的欲更以海軍協約補足俄法同盟。

一如一八九二年之以陸軍協約補足俄法同盟。此事由俄國海軍軍令部長「李藹文」公爵。在巴黎與法政府商辦。而於「樸蔭開雷」遊聖彼得堡時。互交換其批准。

同日維也納「拿滑弗拉濟」報載曰。據巴黎報告。俄法海軍協約。不日將成立。俄國海軍軍令部長「李藹文」公爵。因此在此巴黎。與法國當局開談判。將俟「樸蔭開雷」訪問俄國時完成之。一八九一年所成立之俄法同盟。至一八九二年。已追加陸軍協約。以完成之。（日本有賀長雄曰。俄法同盟。成立於一八九一年之說不確。蓋當年所確定者。僅欲同盟之意志。余所著最近三十年外交史中。曾詳述之。）而兩國關於海軍。至今未有完全之協約。故今日有不得不修補此缺點之勢。夫俄法二國。既有陸軍協約存在。復新訂海軍協約。此等事實。於政治上。雖不致有顯著之變化。但使俄國海軍果獲得通過他大尼里海峽之權利。則其影響極大。且聞俄國海軍。不遠將行大擴張。則此協約。既與俄法同盟有重要之關係。其與三國協商。自亦有重要關係明矣。

八月初二日巴黎「馬旦」報載云。昨日所報道之俄法海軍協約事。大抵確實。今日未開正式之談判。惟彼此交換意見耳。法俄兩國政府。鑑於各國海軍勢力之均衡。近時大有變動。咸承認兩國海軍。於今日訂結協約。實屬適合時宜。此次新協約。不論對於何國。無侵襲之性質。惟以保守為務。俄法交換意見之時。時時將一切詳細內情。通知英國政府。不稍遺漏。云云。

俄法海軍協約成立之消息。因「樸蔭開雷」受俄國之歡迎。而益證明其為事實。歐洲之言論界。乃直集注於「他大尼里」問題。

以爲歐洲俄國之海軍。惟波羅的海黑海二處。協約一部分。於不久改造之波羅的海艦隊對抗北海之德國艦隊之動作。有所規定。無論矣。萬一於黑海艦隊出於地中海對抗奧意兩國艦隊之動作。亦規定於協約。則三國協商之海軍力。驟加強大。勢力均衝之局。大有變動。於是列國中三國同盟諸國(德奧意)之輿論。皆抱悲觀。不久俄法報紙。即報道英國贊成俄國海軍通過他大尼里海峽之說之虛誕。又傳說俄國因近時俄德兩皇會見。新與德國有維持歐洲現狀之誓言。勢難即起如此之大變動。故義斯

華爾斯基之主張。遂不被採用。法政府因此。亦決計不同意如此之大舉動。由此觀之。足知他大尼里海峽問題。原爲此次海軍協約中之一問題。後以種種窒礙。復行刪除之。然則俄法新海軍協約中重要之問題。無非將來兩國軍艦之構造。及俄國海軍有時須用法國港灣等事可知。或謂樸蔭開雷之訪問俄國。係商酌俄國借法款以擴張海軍及巴爾幹問題等。惟吾人所可注目者。歐洲之外交。無一日之靜止。表面雖平穩。而其裏面。時刻起種種之波瀾。永遠無已時也。

日本明治天皇大喪紀

高勞

日本之進步。全在明治一朝。而日皇睦仁。實代表此時代之人傑也。蓋日本自神武開國。以至德川。其間政治社會。未嘗不逐漸演進。由陋劣而臻於良善。然而進步絕緩。及至明治。宣誓維新。十年而國基定。二十年而邦政立。三十年而戰勝中國。四十年而屈伏俄人。昔之叢爾小島國。今則雄長東亞。爲世界諸強國之一矣。衡其進步之速。明治一代。實抵數千年而過之。今者天不假年。忽焉崩逝。鄰邦失一賢主。世界少一英雄。吾人言念及此。能不愴然。

祖父中山忠能卿之邸。民國紀元前四十五年(慶應三年)正月初九日踐祚。時皇年十六。次年八月二十七日。御紫宸殿。行即位禮。九月初九日。改元爲明治。民國紀元前四十三年(明治二年)三月。由京都遷都東京。民國紀元前四十年(明治五年)宣誓太廟。與民維新。民國紀元前二十二年(明治二十三年)開國會。定立憲政體。中華民國元年(明治四十五年)七月三十日午前零時四十三分崩。年六十一歲。

22283
日皇睦仁。爲神武天皇一百二十一代孫。孝明天皇之第二子。民國紀元前六十年(日本嘉永五年)九月二十二日。生於京都外

明治在位四十五年。勵精圖治。不辭勞瘁。本年七月初九日。猶豫聞海軍軍事參議官會議之事。初十日。臨幸帝國大學。十四日病發。而十五日尙臨臨時樞密院會議。至二十日。日本宮